


PA
3545
V6


Schedae criticae de poetis
Graecorum tragicis.
Ernestus Voigt.



Class PA3545

Book . V6





SCHEDAE CRITICAE

DE

POETIS GRAECORUM TRAGICIS.




DISSERTATIO INAUGURALIS

QUAM CONSENSU ET AUCTORITATE AMPLISSIMI
PHILOSOPHORUM ORDINIS IN ACADEMIA FRIDERICIANA
HALENSI CUM VITEBERGENSI CONSOCIATA AD SUMMOS
IN PHILOSOPHIA HONORES RITE IMPETRANDOS A. D.
IV. CAL. NOV. A. MDCCCLIII HORA XI PUBLICE
DEFENDET AUCTOR

ERNESTUS VOIGT

SAXO-BORUSSUS.

Ernest Voigt



ADVERSARIORUM PARTES SUSCIPIENT:

E. KRAEHE, CAND. THEOL.

A. WILLFUEHR, STUD. PHIL.



HALIS SAXONUM.

FORMIS PLOETZIANIS.

[1854]

PA 3545
V6

MATTHIAE KOCHIO

A M I C O

SACRUM.

Pauca sunt, Lector benevole, quae antequam in disputationem ipsam descendamus de ratione ea quam in singulis locis emendandis inii, praemonita velim. Ac primum critici officium judicavi in eo ut mendum extra dubitationem ante oculos ponatur, situm esse, neque umquam eorum fui qui nil nisi quae omnibus numeris absoluta sint, a poetae manu proficisci potuisse opinati, quaecumque isti normae minus respondere videantur videlicet firmissima corruptelae suspicione ducti soleant mutare. Usu enim compertum habeo eos qui in emendatione poetarum tragicorum, imprimis Aeschyli, hanc legem sequantur, quum liberrimarum copia cogitationum quae haud raro et ingenio et dictione poetica prorsus dignae sunt, apparatus criticum locupletaverint, raro tamen veros fructus librorum emendationi attulisse. Interdum autem in memoriam reducunt Ovidianum illud:

„Hos aliquis, tremula dum captat arundine pisces,
aut pastor baculo stivave innixus arator,
vidit et obstupuit quique aethera carpere possent,
credidit esse Deos . . .; rapidi vicinia solis
mollit odoratas, pennarum vincula, ceras.“

Atque pari modo contrarium fugi neque rustice inurbaneque loqui poetam passus sum. Idem librariorum

neque veneratus neque adspersus medium quiddam tenere studui. Menda igitur sive ab aliis sive a me aperta ex mea de indole et sermone poetarum singulorum scientia remove genuinaque restituere conatus sum hac ratione ut quum litterarum in libris manuscriptis ductus diligenter perpenderem, tum maxime ex incorruptis quae circumjacebant et verbis et sententiis accurata quaestione germanam poetae scripturam elicerem: atque omnino operam dedi, ut quam restituebam orationis formam non posse sed debere veram esse evincerem. Licet haec haud raro — id quod hoc studiorum genus doctrinaeque meae mediocritas fert, invita Minerva fecerim: tamen aliqua quidem ex parte viros doctos ad sententias meas accesuros esse confido.



Agamemn. 1400*).

Clytaemnestra marito recens occiso in scenum prodit summoque gaudio exultat. Qua ex oratione haec sunt verba: *κεῖται γυναικὸς τῆςδε λυμαντήριος,*

Χρυσήιδων μείλιγμα τῶν ὑπ' Ἰλίου.

Godofr. Hermannus recte offendit in voce *λυμαντήριος* quod si subiectum orationis esset, nomen substantivum additum desideraretur, vel *άνήρ*, vel *νεκρός*: unde lacunae indices asteriscos inter hos versus collocavit. Haec autem una suspicionis caussa exstat neque, si ad orationis congruentiam spectas, requiritur quic-

*) In numeris versuum sucutus sum ap. Aeschylum G. Hermanni, ap. Sophoclem Bergkii, ap. Euripidem Naukii recensionem: fragmenta tragicorum citavi ex eiusdem Naukii editione.

quam: quin etiam omnem illorum versuum nexum eo quem Hermannus inseruit versu:

ἀνὴρ, θυγατρὸς τῆς ἐμῆς φονεὺς ὁδε

prorsus deleri firmissimis argumentis comprobavit K. H. Keckius. Illam autem ut inconcinnitatem vitemus, ne una quidem littera mutata scribendum videtur:

κεῖται γυναικὸς τῆςδε λυμαντήριος

Χρυσήιδων μείλιγμά τ' ὦν ὑπ' Ἰλίου.

„occidit, qui s. quia honoris mei conjugalis violator servarumque dulcissima ad Trojam cura fuit.“

Quaecumque enim post *κεῖται* sequuntur, non subjectum sed attributionem causam continentem esse statim patefiet. Atque de particulae *τε* collocatione cf. G. H. Schäfer. Melet. crit. p. 76 *). Verum multo gravior est ea lacuna quam si quidem recte vulgo de versu praecedenti statuitur, ante verbum *κεῖται* accutissime aperuit Keckius, cujus elegantem argumentationem repetere non est in animo. Illud tantum de ejus observatione addere possis, non esse Aeschyleam modo, sed prorsus tragicorum poetarum hanc legem. Vide Soph. Aj. v. 899. Αἶας ὅδ' ἡμῖν ἀρτίως νεοσφαγῆς

κεῖται.

Oed. R. v. 972. τὰ δ' οὖν παρόντα συλλαβῶν θεσπίσματα
κεῖται.

Antig. v. 556. θάρσει· σὺ μὲν ζῆς, ἥ δ' ἐμὴ ψυχὴ πάλοι
τέθνηκεν.

*) Participium autem ὄν' haud raro imperfecti vel perfecti temporis vim induere notum: cf. Agam. 170. Eur. Or. 485. Troad. 709. 1221.

Eur. Alc. 179. *προδοῦναι γὰρ σ' ὀκνοῦσα καὶ πόσιν
θνήσκω.*

Eur. Orest. 36. *τλήμων' Ὀρέστης ὅδε, πεσὼν τ' ἐν δεμνίοις
κεῖται*

multaque alia exempla in praesto sunt*).

At si inde putat versum ante *κεῖται* excidisse, falli nobis videtur. Manifestum enim est praecedentem versum si de Aegistho accipi deberet postquam magnificentissime v. 1396—1398. firmum ejus praesidium celebravit, inutile esse ac languidum additamentum: sin de Agamemnone, egregiam invenimus quam requirimus protasin. Sic enim interpunge:

*οὗτος γὰρ ἡμῖν, ἀσπίς οὐ σμικρὰ θράσους,
κεῖται.*

Videlicet mors est mariti quae Clytaemnestrae animum adeo fortem reddat ac superbum. Prorsus eadem orationis structura est in Eur. Rhes. v. 404.

*οἱ μὲν ἐν χωστόις τάφοις
κεῖνται πεσόντες, πίστις οὐ σμικρὰ πόλει.*

Cf. Eur. Troad. 387. Orest. 30. 845. El. 231. et copiose disputantem Matthiaeum gr. gr. ampl. §. 432. 5. (p. 802—5 ed. II). Denique sic etiam singula hujus orationis membra prorsus sibi respondent: tres primi

*) Quam legem quum Euripides quoque statuisse sibi videatur: si quis in Oreste versus 360 et 361 transponendos esse censeat atque hanc in formam redigat:

ὅς μοι τάδ' εἶπεν ἐμφανῶς παρασταθεῖς.

Αουτρυῖσιν ἀλῶχον περιπεσὼν παννυστάτοις

Μενέλαε, κεῖται σός κασίγνητος θανών.

me quidem non habebit adversarium.

(v. 1393—1395.) continent jusjurandum, tres continui declarant fretum Aegistho animum Cl., tres ceteri necem necisque caussas: deinde his quaternis versibus summus odii ultionisque stimulus iterum urgetur, sc. amores inter Agam. et Cassandram conjuncti. Quae si recte disputavero, haec fuit genuina horum versuum forma:

οὗτος γὰρ ἡμῖν-ἀσπίς οὐ σμικρὰ θράσους —
 κεῖται, γυναικὸς τῆςδε λυμαντήριος
 Χρυσήϊδων μείλιγμά τ' ὦν ὑπ' Ἰλίου.



Choeph. v. 240.

Electra postquam paucis ante cognovit quicum colloqueretur, esse Orestem germanum fratrem, his verbis quam singulari amore eum amplecti debeat, exponit: venerari enim sese et patris eum et matris et sororis et fratris ipsius loco. Quae oratio in hos tres versus definit

πιστὸς δ' ἀδελφὸς ἦσθ' ἐμοὶ σέβας φέρων
 μόνος· Κράτος δὲ καὶ Δίκη σὺν τῷ τρίτῳ
 πάντων μεγίστῳ Ζηνὶ συγγένοιτό σοι.

Itaque fidelem erga sese animum fratris ex eo perspicit, quod ipsi σέβας φέρει. Quaeramus igitur quid valeat h. l. v. σέβας. Ac primum significat aut erga Deos pietatem aut regum aut hospitum (vel omnino peregrinorum, (Eur. Alc. 1000.) aut supplicum aut denique parentum religiosam verecundiam: notionis autem honoris mutuaeque inter homines observantiae, ut fere Clausenius explicavit, ne unum quidem extat exemplum.

Atqui quum Electra neque θεοῦ neque ξένου, neque ἰκέτου neque βασιλέως neque τῶν τεκόντων vice fungatur: haec ad Electram non spectat verbi potestas. Sin autem sunt qui ad σέβας subaudire velint τὸ εἰς τοὺς θεοὺς' et φέρειν restituendi notione adhibere: ii quum valde contortum dicendi genus atque arcessitum Aeschyleo obtrudant, et Aeschyleam Electram pietatem erga deos numquam neglexisse et fratris studium et curam inde colligi non posse obliviscuntur. Deinde sonat i. q. σέβασμα, sc. illum quem hac religione colimus quae significatio eisdem de caussis hunc in locum non cadit. Neque σεβας sc. τὸ σὸν pro σέ per circuitum dictum esse statues. Sic enim τὸ σὸν' nullo modo deesse poterat quum haec vox absolute sita praesertim verbo φέρειν addito illum sensum non praebeat: qua in re consentiet mihi qui exempla in Steph. thes. collecta circumspectans examinarit. De tertia autem vocis vi nemo cogitabit (ἐκπληξίς.) vel ea de caussa quod inde conjici fraternus amor nequit. Vides igitur quocumque confugimus, aut inauditam aut ineptam existere interpretationem: quibus de caussis incidi in corruptetae suspicionem.

Quaerentibus autem de integra hujus sententiae scriptura illud primum manifestum est, μόνος a praecedentibus verbis dirimi nullo modo posse. Ubinam enim praeclarius emergit fidei documentum, quam si quis unus ex omnibus ante amicis amico in summas angustias adducto succurrit? Quo argumento Aeschylum secuti et Sophocles et Euripides usi sunt: Soph. El. 1201.

μόνος γὰρ ἦκω τοῖσι σοῖς ἀλγῶν κακοῖς.

Eur. El. 585.

ξύμμαχος γε σοὶ μόνος (sc. ἤκω.)

et uterque ita ut illi verbo locum significantissimum tribuerent, ille initium, hic finem versus. G. Hermannus autem ceterique μόνον mutantes cum sequentique enuntiatio jungentes, et illud praeclarum expulerunt textu, neque talibus in precationibus, id quod haud parvi momenti est, μόνον usurpari posse et usurpatum esse ostenderunt. Deinde qua ex alia re fides fraterna Orestis tunc eluxit atque ex adventu diu expectato? Omnia enim in illo: πάρεστ' Ὀρέστης ἡμῖν' vertebantur. Ipse deerat utque ipse ipsum afferret, huc omnia redibant. Quare scribam:

πιστὸς δ' ἀδελφὸς ἦσθ'· ἐμοὶ σ' ἔβης φέρων
μόνος· Κράτος δὲ καὶ Δίκη σὺν τῷ τρίτῳ
πάντων μεγίστῳ Ζηνὶ σύγγενοιτό σοι.

„tu mihi te, i. q. tuum auxilium ac praesidium, allaturus unus es qui huc veneris.“ Non prorsus dissimile dicendi genus exstat Eur. Orest. 1075. In dissoluta autem hac quam statui oratione eo minus offendes quo dissolutior est gaudio animus mulieris. Egregie autem sic hoc de quo disputavimus orationis membrum verbis ἐμοὶ — μόνος, voci πιστός respondentibus determinatur. Quam facile autem ex male intellecta scriptura continua vulgata scriptura exoriri potuerit, in clarissima luce est.



Eum. 222.

Non opus est de h. l. disputare postquam A. Meinekus unice veram scripturam repperit hancce:

τὰ μὲν γὰρ οἶδα κάρτα σ' ἐνθυμουμένην,
τὰ δ' ἔμφανώς πράσσουσιν ἡσυχάιτιρα.

(Philol. Leutsch. vol 19. pag. 222.). Quo fervidiore animi motu Furiae in vindictum Orestis insistunt, eo languidiore ac tantum non nullo in supplicio de Clytaemnestra sumendo versantur. ἡσυχάιτερα igitur verbum est prorsus accommodatum ac necessarium ut justa participii ἐνθυμουμένην oppositio. Qua ex re illud cernitur, scholiastae glossema δολιωτέραν corruptum esse. Atque quoniam nil est frequentius quam litterarum α δ λ χ commutatio, initiales autem versuum et glossarum litterae haud raro excidere solent, genuinam revocabam explicationem, σχολαιοτέραν emendans. confer enim Hesychii glossam: σχολαῖον ἡσύχιον.

~~~~~  
Eu m. v. 355.

Interpretum et criticorum ad hanc aetatem lucem huic loco reddendi conamina si vellem percensere, liber mihi conscribendus esset. Hanc tradunt libri manu scripti lectionem:

σπενδομέναι δ' ἀφελὲν τινα τάσδε μερίμνας  
θεῶν δ' ἀτέλειαν ἑμαῖσι λιταῖς ἐπικραίνειν,  
μηδ' ἐς ἀγκρισιν ἔλθεῖν.

Ac primum quidem singula h. v. verba et ad ea quae antea dicta sunt et ad ea quae sequuntur, perpendamus necesse est, sententiarum ordo autem hic est: „Fato constitutum est ut nos Furiae quibus nefariis tantum cum hominibus quorum sanguinem exsugamus, consuetudo quaedam intercedat, a deorum superiorum sereno consilio exclusi simus. Itaque istorum munia a nostris



penitus disjuncta sunt.“ (v. 345—354.) Apollinem autem Orestis ultioni ultro sese interposuisse probe recordatae iram suam atque indignationem verbis sequentibus effundunt: „Quod quum vel molestissimum ac teterrimum per sese munus nobis traditum sit: ne quis superiorum quominus haec officia exsequamur nos impediat eaque re ad summum labores molestiasque nostras adaugeat, utique exposcimus. Libere atque impune, ut summa absolutaue nostra in provincia potestate praeditae, quae facere debemus, volumus persequi. Neque enim Juppiter superique dignas nos censuerunt, quibuscum usu ac consuetudine jungantur, neque ipsae vice versa illud concedimus, (v. 355—360.). praesertim quando illa cum diis societas damnum dat nobis.“ Jam spectemus singula. Primum apparet, verbis ἀτέλεια et ἄγκρισις carere nos nullo pacto posse. Est enim quodammodo tributum quod Eumenides diis pendunt, si et actionum suarum rationem istis reddere (ἄγκρισιν) debent et vetare eos atque intercedere permittunt: et, si ipsius poetae verbis uti licet, τὸ μὴ ἐς ἄγκρισιν ἐλθεῖν est ἡ ἀτέλεια quam furiae poscunt, verbum autem ἐπικραίνειν, ut ab Aeschylo haud raro sensu, id quod perfectum sit, praebendi usurpatum, in locum locutionis ἀτέλειαν διδόναι, ξυγγωρεῖν (Herod. 1. 54. Isocr. Panath. p. 263. C. Herodian 2. 4. 13. etc.) successit. Qui vero dictionem ἐς ἄγκρισιν ἐλθεῖν eo quem G. F. Schömannus (comm. crit ad Eum. pag. 210.) tribuit sensu uti posse negavit B. Todtius (Philol. Leutsch v. 15. pag. 213. sqq.): ei vereor, ne forte exciderit. ἐλθεῖν ἐς usitatissimum tragicis loquendi circuitum

esse pro verbis simplicibus disputandi et manus conserendi atque illam de qua loquimur locutionem ad utrumque respicere, si quidem ἄγκρισις nil est quodammodo nisi λόγων μάχη. Unde mecum colliges, injuria H. Weilium verbum ἀτέλειαν delevisse, ut illud praetermittamus, in ejus emendatione:

δεῖ τελέαν ἐπ' ἐμαῖσι δίκαις ἐπικραίνειν  
 voculam δεῖ quam inseruit de suo, pro simplici infinito, paullo frigidiorē esse. Neque illud in profliganda hac quaestione nullo est numero quod poetae tragici forense publicumque genus loquendi mirum quantum adamarunt. Jam vero summam h. v. corruptelam in verbo λιταῖς latere in confessis est: vero autem verbo Furiarum munus et provinciam significatam fuisse ex iis quae antea exposui, utique intelligitur: ita ut secundi versus haec fuerit sententia: postulamus, ut superi nostris legibus poenisque intercedere prorsus desinant. Venio nunc ὁμηρικῶς ad primum verum. Pro σπενδ. multi edidere σπενδ. quod prorsus falsum esse post Schömanni accuratam quaestionem (l. c.) demonstrare alienum est. Invenitur autem haec media verbi forma uno tantum altero loco in Graecarum litterarum reliquiis idque apud Aeschylum Agam. v. 150 cum sensu ad aliquod festinandi, quorum locorum alter alteri praesidio firmoque propugnaculo est. Neque ea re offendi debes, quod absolute positum sit, praesertim quum quod infinitivos absolutos adhibuit poeta, indignabundas celeriter et abrupte haec Furias loqui docuit; possis vero ταῦτα vel ᾧδι subaudire.

Quam autem potestatem habant verba τάσδε με-

φίμνας, non amplius in dubio est: summa inde declaratur sollicitudo de Apollinis intercessione: eadem praegnantia vi utuntur Agam. v. 99. Verum, ut tandem ad mendosa h. l. verba transeamus: de λιταῖς jam antea dictum est; θεῶν autem quod prorsus repugnat sententiae, glossema ad τινὰ explanandi sensus caussa a grammatico aliquo additum ac τινὰ nostrum „man' esse criticorum peritissimus quisque intellexit. De hoc corruptionum fonte accuratius disserere supersedemus post Porsoni acutam observationem ad Eur. Phoen. v. 5. Quum igitur syllabam unam initio secundi versus excidisse pateat: ad orationis concinnitatem restituendam, praesertim si verba ἀφελὲν τάσδε μερίμνας' cum locutione ἀτέλειαν ἐπικραίνειν' h. l. plane concinere recte effecerō, nil amplius requiremus nisi conjunctionem. Quid multa? Aeschylus scripsit:

σπενδομένην δ' ἀφελὲν τινὰ τάσδε μερίμνας  
ἦδ' ἀτέλειαν ἐμαῖσιν ἀραῖς ἐπικραίνειν  
μηδ' ἐς ἄγκρισιν ἔλθειν.

„Quae quum studiose agamus, summe exposcendum ac necessarium est ut a tali sollicitudine liberemur: rataeque fiant vindictae meae neve de iis ad juris disceptationem debeam descendere“, Littera enim H quam deletο θεῶν glossema addidi, aut ob litterae N (in verbo θεῶν praeposito) similitudinem (vid. Cobet. Nov. Lect. pag. 143. 368.) neglecta aut a quodam metrico correctore qui eam voculam, nimirum quae una tantum ex littera constet, a lectoribus non magnopere desideratum iri opinabatur, deleta est. Quod vero ad ἀραῖς attinet, evanuit e textu, glossema λιταῖς illato, quod

grammaticus aliquis verbum ἀρά h. l. in bonam partem accipiens (i. q. εὐχή) suprascripsit: quam in fraudem inde perpulsum esse videtur primum quod si integrum θεῶν est, revera haec periodus praecationis habet magnam similitudinem, deinde quia infinitivi exoptandi sensu praediti adstarent, confer simillimam fortunam versus 68. Eur. Phoen., et Soph. El. 139, ubi pariter λιταῖς glossema in textum irrepsisse probabile est. Male vero intellexisse h. l. librarios vel inde apparet, quod in cod. Med. ad τὰσδε μερίμνας suprascriptum est τῆς κλυταιμνήστρας· ἀραὶ denique sonat i. q. κατάραι, βλαβή (vid. Hesych.): maxime autem convenit provinciae Furiarum describendae, si quidem ipsae inde appellationem acceperunt:

Ἀραὶ δ' ἐν οἴκοις γῆς ὑπαὶ κεκλήμεθα.

(huj. fab. v. 409.), totumque hoc carmen ex ipsius poetae verbis — τόδε μέλος ἐστὶν ἀρὰ ἐπὶ τῷ τεθυμένῳ, id quod versus intercalares satis ostendunt, vide Ellendt, lex. Soph. s. v., Schömann. ad Agam. v. 385.

Aesch. Suppl. v. 67.

Transscripsi h. l. ex G. Hermannii evidenti emendatione:

γοεδνὰ δ' ἀνθεμίζομαι

δεῖμα, μένουσα φίλους.

Supplicum chorus depingit fortunam sum non solum insigni sed etiam perenni calamitate pessumdatus. Jam quaerentibus quid valeat v. ἀνθεμίζομαι, respondet scholiastes „τὸ ἄνθος (τῶν γόνων) ἀποδρέπομαι“; Hesychi-



us, Photius, ceteri tacent; editores autem video tacita cum admiratione illius verbi, quod quidem nisi h. l. numquam invenitur, explicationem repetere. At valde miror huic monstro Byzantinae doctrinae personam nondum detractam esse. Nam quomodo compendium verbi *ἰζω'* decerpendi notionem exhibere possit, neque nsu cognovi neque ratione assequor. Immo potius *ἀνθ-μίζεσθαι* est 'efflorescere', ut *ἀπανθίζεσθαι* \*) apud Hesychium est *ξηραίνεσθαι*, deflorescere et exarescere.

Adde quod, hoc si dicere poeta voluisset, *γόους* credo pro *γοεδνά* scripsisset. Haec igitur est vera h. l. sententia: „flebili modo ad summum gradum turpitudinis ac deformitatis pervenio,“ [„ich erblühe, ein Schreckbild“] quam querelam nonnulla dicta Sophocleae Electrae explanant (v. 140. 303. 1176—1183. 1187.). De illa translata verborum ab *ἄνθος* derivatorum potestate cf. Agam. 1438. Arist. Nubb. 1174.; Wunder. ad Soph. Antig. 945, Abresch. ad Agam. 668. Animadvertendum autem quam egregia vereque tragica sic restituta sit membrorum oppositio.

---

\*) Sic enim evidenter emendabam glossam:

*ἀπανιζόμενοι ξηραίνόμενοι.*

cujus integritas pridem in suspensionem vocata est. Confirmatur autem serie litterarum quam cod. Cyrilli praebebat; in Hesychii autem libro hic ordo plane pdrturbatus est. confer:

|         |                                                                                                                                         |             |                                                                                                                                          |
|---------|-----------------------------------------------------------------------------------------------------------------------------------------|-------------|------------------------------------------------------------------------------------------------------------------------------------------|
| Hesych. | $\left\{ \begin{array}{l} \text{ἀπάνενθεν.} \\ \text{ἀπανιζόμενοι.} \\ \text{ἀπανηνάμενοι} \\ \text{ἀπανθρακίδες.} \end{array} \right.$ | cod. Dresd. | $\left\{ \begin{array}{l} \text{ἀπάνενθεν.} \\ \text{ἀπανηνάμενοι.} \\ \text{ἀπανιζόμενοι.} \\ \text{ἀπανθρακίδες.} \end{array} \right.$ |
|---------|-----------------------------------------------------------------------------------------------------------------------------------------|-------------|------------------------------------------------------------------------------------------------------------------------------------------|

## In Soph. A j. 405.

librorum scriptura haecce:

εἰ τὰ μὲν φθίνει  
 φίλοι τοῖσδ'  
 ὁμοῦ πέλας,  
 μωραῖς δ' ἄγραις προσκείμεθα  
 πᾶς δὲ στρατὸς δικάλτος ἂν με  
 χειρὶ φονεύοι.

Corruptos esse hos versus sensus demonstrat et metrum. Quacunque autem via emendationem temptabis, hic postulatur sententiarum ordo (395—409.) Neque superiorum neque mortalium quemquam dignus sim qui videam, inferorum dumtaxat consilio accommodatus. Culpa autem interitus mei inest in pernicioso contra me animo Minervae quae mihi omnem Argivorum irae fugam interclusit. Alio confugere nequeo quum portus firumque perfugium nusquam sit mihi (ποῖ φυγὼν μενῶ v. 404.): sin hic mansero, calamitas illa pariter affliget me. Quare quum omnis refugii spes occiderit neque hic commoranti qui satis praesidii praebeant suppeditent amici, inimici vero quippe quos caede ulcisci frustra conatus sim, maiore ira pessumdandique studio in me irruant: manibus me Argivorum mortem appetiturum est manifestum. Jam pergenti ad singula statim apparet, τὰ μὲν nihil valere, nisi τὸ ἄλλοσε φυγόντα μενεῖν, i. q. spem perfugii; verbis autem μωραῖς δ' ἄγραις προσκ. [in quibus vocis μωραῖς ea collocatio est ut idem sit atque si dixisset poeta: μῶραι δὲ αἱ ἄγραι εἰσὶν, αἷς προσκ.] expeditionem Ajacis in Argivorum duces exci-

disse significari. Metri igitur sententiaeque concinnitas hac opinor ratione evidenter restituitur:

εἰ τὰ μὲν φθίνει

καὶ φίλοι τοιοῖδ'

ὁμοῦ πέλας,

μῶραις δ' ἄγραις προσκείμεθα κτλ.

Verbis φίλοι τοιοῖδε exiguum numerum exiguasque vires amicorum quasi digitis monstrat. τοιοῖςδε autem nervose contemptionis index et hic et v. 445.

ὥστ' ἐν τοιοῖςδε χεῖρας αἰμάξαι βοτοῖς\*).

[quo simul loco ut saepissime antepenultima syllaba correpta invenitur,] ut admirationis v. 921. τοιοῦδε φίλου. Exempla de hoc v. τοιοῖςδε usu v. ap. Ellendt. Lea. Soph. II. p. 841. πέλας autem ad ὁμοῦ additum defendit a suspicione glossematis ab Hermanno commota similis locus in OR. v. 1107. καὶ autem quod inserui, ob syllabam praecedentem νει excidisse suspicor. Ad structuram totius sententiae cf. Soph. El. v. 244—250. Dicit igitur Ajax: quo minus amici mei valent, eo magis inimici exercitu et ipso currenti ad vindictam incitato „nimis ante metutum,“ nunc prorsus infirmum alienoque praesidio destitutum me „cupide conculcabunt.“

~~~~~  
Eur. Med. 403.

ὄρῳ ἀπάσχεις; καὶ οὐ γέλωτα δεῖ σ' ὀφλεῖν

τοῖς Σισυφείοις τοῖς τ' Ἰάσονος γάμοις,

γεγῶσαν ἐσθλοῦ πατρὸς Ἥλιου τ' ἀπό.

*) Quamquam Hermannum video τοι οἷςδε per attractionem pro ὧςδε dictum esse putare coll. Aesch. Prom. 112. Ch. 40. At vellem graviore testes istius usus attulisset. Illo enim loco vel ipsum adjectivum ἀχάριτον vetat Hermannum sequi.

Variant Mss. inter καί et οὐ. Quodquum quae-ramus, unde haec perturbatio orta sit, ultrò offertur ea explicatio, enuntiationem interrogativam videlicet cum sensu negativo a poeta conformatam esse: postea vero signo interpunctionis neglecto grammaticum aliquem ut rei infitiandae formulam restitueret, οὐ pro καί vel emendasse vel supra scripsisse. Interpunge igitur post ἀπό signo interrogationis quo simul nervosam orationis alacritatem revoces. καί autem est dubitantis (vide Viger. ed. G. Herm. pag. 521.) i. q. nostrum „wol gar noch“, quo in usu ei de quo interroganti dubitatio inhaeret verbo proxime anteponi solere vides et h. l. et multis aliis (Soph. O. R. 989. Antig. 554. 722. 766. Troch. 314).

~~~~~

Eur. Troad. 281

Querelas edit Hecuba quod Ulixes sese sorte natus sit servam :

μυσαρῶ δολίῳ λέλογχα φωτί δουλεύειν  
ὅς πάντα τάκεῖθεν ἐνθάδ',  
ἀντίπαλ' αὖθις, ἐκεῖσε διπτύχῳ γλώσσα  
φίλα τὰ πρότερό' ἄφιλα τιθέμενος.

Recte Seidlerus: „Verbum finitum hic deest quod abesse non posse interpretum peritissimus quisque intellexit.“ Vide G. Herm. ad Prometh. v. 548. A. Matthiaeum l. c. pag. 1105. Quale autem fuisse debuerit, pariter liquet: est enim sermo de vi oratoris. Itaque ἐκεῖσε quum nonnullis in libris τάκεῖσε pro τάκεῖθεν antecederet, per errorem pro ἐπεισε scriptum esse solis



luce videtur clarius. Sic *τάκειθεν* pro *τάκει* dictum est (v. Matth. §. 596 c.) Sensus est: „qui omnes illinc huc ad contraria rursus, i. e. quocumque volebat, duplici oratione flectebat, cara reddens quae exosa fuerant.“ Egregie autem *πάντα*; significat enim neque animata neque inanimata vi ejus oratoriae resistere potuisse. Ceterum cum verbo *πέθειν* duos accusativos jungi posse notum.



Troad. v. 634.

ὦ μήτηρ ὦ τεκοῦσα κάλλιστον λόγον  
ἄκουσον, ὥς σοι τέρψιν ἐμβάλω φρενί.

His verbis Andromacha Hecubam, virgo anum ut ta dicam, triseclisenem allocuta orationem omnium perfectissimam pollicetur. Quam nimiam immodestiam et superbiam librariis maluerunt tribuere plerique interpretes quam Euripidi, neque ego adversor. Neque suspicionem interpolationis prioris versus in hunc locum cadere rectissime animadvertit Musgravius, qui sic argumentatur „hunc versum ideo ab Euripide esse arbitror, quia alioquin Andromacha Hecubam multo seniore alloquens minus decore orationem ab ἄκουσον orditur.“ Ac fuere qui post κάλλιστον interpungerent et λόγον ἄκουσον conjungerent: at sic et λόγον absolute sine vel adjectivo vel pronomine positum frigidum est et τεκοῦσα κάλλιστον displicet. Alios video verba καλλ. λόγον sic ut exclamationem orationi interjectam accipiant, explicare: sed exempla tam liberae syntaxeos mihi non innotuerunt. Immo germanam hujus versus formam ii perspexisse

videntur, qui totum nil esse nisi blandam Hecubae allocutionem, arbitrantur praecipue G. Hermannus, qui proxime ad sententiam meam accessit scribendo:

*ὦ μῆτερ, ὦ τεκνοῦσα κάλλιστων γόνων.*

Nimirum saepissime Hecuba ob liberos pulcherri-  
mos et strenuos celebratur et ipsa gloriatur: unde ap-  
paret Andromacham quum Hecubam ut longiori orationi  
tranquille aurem praebeat, impulsura esset, aptissime  
hanc summam socrus laudem attigisso. Qua ex sententia  
sic corrigam:

*ὦ μῆτερ, ὦ τεκοῦσα κάλλιστον λόχον.*

Quodquum λόχος aut puerperium aut ipsos libe-  
ros significet, duplici modo explicare potes: aut κ. λ.  
est objectum quod dicimus interius, aut exterius; aut  
valent illa verba i. q. ὦ τεκοῦσα κάλλιστα τέκνα, aut  
i. q. ὦ τεκοῦσα κάλλιστα. Quamquam utriusque inter-  
pretationis sententiam in unam confluere in aperto est.



ad Helen. v. 654.

*ἐμὰ δὲ δάκρυα χαρμονὰν πλέον ἔχει  
χάριτος ἢ λύπας.*

Crux interpretum semper fuit v. χαρμονάν. Et  
Augustus Matthiaeus, χαρμονά ex cod. flor. legens, per  
appositionem ad δάκρυα additum esse opinatus inter-  
pretatur: „lacrimae meae quae sunt gaudii indices“:  
id quod nemini probavit. Alii χαρμονάν ex Ald. prae-  
ferentes sequuntur Fritschium Quaest. Luc. p. 178. qui  
quamquam enuntiatum quale δάκρυα χαρμονὰν πλέον  
ἔχει emendatum Euripideumque esse ostendit, ad idem

insuper addi posse *χάριτος ἢ λύπας* non comprobavit neque comprobare potuit. Immo conferendi mihi Eur. Herc. fur. v. 742.

*χαρμοναὶ δακρύων*

*ἔδοσαν ἐκβολάς*

prorsus in promptu est, *χαρμονά* glossema ad *χάριτος* explanandi sensūs caussa ab illum locum recordato librario additum in margine indeque in textum invecum esse. Videlicet raro vocem *χάριν* laetitiae sensu praeditam legerat ideoque annotationem necessariam habebat. Quamquam et Sophocles evidenter *χάρις* et *λύπη*, gaudium et moerorem, inter se opponit, El. 821. Hinc etiam caussa, cur Mss. inter *χαρμονά* et *χαρμονὰν* discrepent facile aperiri potest. Neque qui Euripidis libros glossematis prorsus scatentes percensuerit, improbabilem hanc nodi expediendi rationem judicabit. Quo glossemate deleta neque orationis vis neque metri concinnitas deletur.

Helen. 973.

Menelaus Helenam recuperaturus, Plutonem quoque per innumerabilia corpora quae ad Troiam caesa illi pro sacrificio misisset invocat precatus, ut Theonoam quippe in qua omnis spes rei feliciter gerendae posita esset, eo voluntatis perduceret, ut patris mortui de restituenda Helena promissis ipsa satisfaceret atque inde pergit:

*ἢ νυν ἐκείνους ἀπόδος ἐμψύχους πάλιν,*

974. *ἢ τήνδ' ἀνάγκασον γ' εὖσεβοῦς πατρός  
κρείσσω φανείσαν τὰμ' ἀποδοῦναι λέχη.*

Utrumque versum proximum mutilum esse vides. Quae vero lacunae complementa Barnesius qui vocula γ' deleta ποτ' inseruit, et Pflugkius, qui γ' ἀπ' εὐσεβοῦς πατρὸς κρείσσω τραφεῖσαν conjecit, antea temptaverunt, nullam veri speciem prae se ferunt. Nullum enim in ista mutatione argumentum inest quod me utcalculum album eorum sententiae adjiciam, cogere videatur. At oratione Helenae antecedenti cum hac Menelai comparata quae vocula excidisse debeat, evidenter doceri potest. Illa enim, si patris promissis filia staret Theonoa, patris eam justī mores aemulaturam esse dixerat v. 940 (μειῖσθαι πατρὸς δικαίου τρόπους) Menelaus quum eodem argumento ad illa verba uxoris manifesto respiciens h. l. utatur, illam non solum aequae justam sed etiam justiorem patre sese praebituram esse praedicat. Quam illius impulsus gradationem si juste perpenderis, assentieris mihi post γ' syllabam ἔτ' inserenti, utpote quae quum εὐ in voce εὐσεβοῦς sequatur, facillime a librariis omitti potuerit. Sin vero in collocatione a verbo κρείσσων remotiore haeres, gravis auctor mihi adstat Porsonus ad Orest. v. 499.

Pariter invita Minerva in altero versu Barnesius quum τὰμὰ γ' corrigeret, egisse videtur. Certe me quidem sententiam idoneam hac ex conjectura elicere non posse confiteor. Sed quum his verbis τὰμ' ἀποδοῦναι λέχη additis poetam nil aliud dicere voluisse probabile sit atque, Theonoam, si summa cum pietate patris promissa servanda ipsa susciperet, simul voluntati supremae Menelai et Helenae satisfacturam, itaque de eadem fidelia, ut ajunt, duos dealbaturam esse parietes: com-



probabis hanc levissimam ac tantumnon nullam mutationem:

ἢ τήνδ' ἀνάγκασον γ' ἔτ' εὐσεβοῦς πατρός  
κρείσσω φανείδαν τ' ἄμ' ἄμ' ἀποδοῦναι λέχη.

Helen. v. 1652.

Dioscuri quae fato de Helenae exilio constituta sunt explicando Theoclymeni consiliis sese interponunt.


ἔς μὲν γὰρ αἰεὶ τὸν παρόντα νῦν χρόνον  
κείνην κατοικεῖν σοῖσιν ἐν δόμοις ἔχοῃν·  
ἐπεὶ δὲ Τροίας ἐξανεστάθη βάρβαρα,  
καὶ τοῖς θεοῖς παρέσχε τοῦνομ', οὐκέτι  
ἐν τοῖσιν αὐτοῖς δεῖ νιν ἐξεῦχθαι γάμοις.

Ac primum quid valeant verba καὶ τοῖς θεοῖς παρέσχε τοῦνομα, neminem adhuc vidi qui probabiliter explicaret. Verbum enim ὄνομα quum triplicem habeat potestatem et nominis et famae s. celebritatis et praetextus: nulla earum hunc in locum quadrat. Manifesto latet corruptela. Quidnam vero Troja capta deletaque Diis praebeat nisi constitutam fato Paridis adulterii poenam? Itaque conjicio τ' ἄννομ' i. e. τὰ ἔννομα. ἔννομος autem est „justus et legibus consentaneus, aut etiam aequitati,” cf. Thucyd. 3. 67. ἔννομα πείδονται i. e. legitimam patientur poenam, Phoen. 1651: Orest. 538, ubi Tyndareos interfectionem Clytaemnestrae filiae justam fuisse Orestis concedit:

θυγατὴρ ἐμή θανοῦσ' ἔπραξεν ἔνδικα

aliaque hujus generis. In sequenti versu corruptelan latere acute vidit Pflugk. Prorsus enim contraria

ex vulgata lectione efficitur sententia ei quae desideratur. Nam si Helenam eo quo antea conjugio amplius astrictam detineri non licet: manifesto cogitur divortium cum Menelao facere, cuius quidem in aedes lectumque conjugalem reducturi eam sunt Dioscuri. Quae autem Pflugkii ipse temptavit *ἀότοῦ* pro *αὐτοῖς* scribendo, difficultatem illam non tollunt, sed obducunt: omninoque in verbis *τοῖς ἀότοις* nullum subesse vitium ex iis quae postea demonstrabo elucebit. Oppositio enim membrorum inter v. 1651 et 1654 clare docet verbum *γάμοις* corruptum esse. Nam quum usque ad captam tantummodo Trojam Helenam in Aegypto manere, Fati lege constitutum sit (*ἐχοῖν*): quum primum haec sors Troiae obtigit, eam eadem qua antea lege non amplius astrictam esse merito colligiur. Quare scribas *νόμοις* quod cum illo verbo iterum hic librarius commutavit v. 188 eoque facilius evanescere potuit, quod similis versus finis 1646 etiam in memoria haerebat. In plurali autem quem statui numero non offendet qui saepissime ap. tragicos *θεῶν νόμοι* i. q. fas esse cognoverit.



Orest. v. 811.

ὁ μέγας ὄλβος ἃ τ' ἀρετά  
 μέγα φρονοῦς ἄν' Ἑλλάδα καὶ  
 παρὰ Σιμωνντίοις ὀχετοῖς  
 πάλιν ἀνῆλθ' ἐξ εὐτυχίας Ἀτρεΐδαις  
 πάλαι παλαιᾷς ἀπὸ ξυμφορᾶς δόμων.

Miratus sum, quum hanc prorsus insanam sententiam integram adhuc relictam esse a criticis viderem.

Verbum enim si ex verbo reddis, haec est: „Magna potentia ac virtus superbiens per Graeciam et ad Si-  
moentis rivos retro abiit ex felicitate a perantiqua do-  
mus calamitate.“ Inde qui sensum sanum elicere pot-  
est, ipse sensu communi carere videtur. Quam autem  
totus fabulae contextus sententiam postulat, ea est,  
summam Atridarum ex Troja capta felicitatem et glo-  
riam nunc redintegratis per Orestem sceleribus illis  
familiaribus rursus abire in priscam generis calamita-  
tem. Qua de caussa evidenter mendum tollo mutans  
metri simul concinnitate servata:

*πάλαι παλαιὰς ἐπὶ ξυφορὰς δόμων.*

Nimirum *πάλαι παλαιὰς* conjungendum est quo  
superlativi simillima gradatio existit egregieque inde  
ab antiquissimis temporibus Pelopidarum generi hanc  
fortunam perniciosam inhaerere declaratur: id quod  
commemorato statim anreo vellere confirmatur, cf. v.  
1000 — 1012.



Orest. v. 907 — 913.

ὅταν γὰρ ἡδὺς τοῖς λόγοις, φρονῶν κακῶς,  
πεῖθῃ τὸ πλῆθος· τῇ πόλει κακὸν μέγα.  
ὅσοι δέ σὺν νῶ χρηστὰ βουλευόνσ' αἰεὶ,  
κἂν μὴ παρὰντίκ', αὖθις εἰσὶ χρήσιμοι  
πόλει· θεᾶσθαι δ' ὥδε χρὴ τὸν προστάτην  
ἰδόνθ'· ὅμοιον γὰρ τὸ χρῆμα γίνεται  
τῶ τοῦς λόγους λέγοντι καὶ τιμωμένῳ.

Neque hac ex librorum scriptura neque ex con-  
jecturis quas cognovi, me hunc locum intelligere posse

cum Nauckio confiteor. Levissima autem mutatione quam in medium proferam, mihi quidem satisfeci. Ac primum „principem“ quum v. *προστάτην* interpretes vertant, falli videntur. *προστάτης* h. l. dictus est qui in concionibus eloquentiae vi amicorumque cohorte tantum auctoritate valeat, ut quasi dominari videatur; quales Pericles Cleon aliique: est partium plebis aut totius populi dux. Itaque oratores illi de quibus Euripides loquitur prorsus iidem sunt qui postea *προστάται* dicuntur.

Deinde facillime sententiam aperire videtur qui verba *χὰν μὴ παραντίχα* satis premit. Haec igitur dicit: Quicumque per admirabilem suam eloquentiam consilia populi regit in summa gravissimarum reipublicae gerendae rerum imperitia: is magnum est malum civitati: verum qui rerum gerendarum periti semper bona consulunt, licet non statim appareat bona esse, sed sequentia demum tempora recta esse et sapientia evincant: ii vere utiles sunt reipublicae. Hac autem ex regula omnia quae videat contemplari (*θεᾶσθαι ἰδόντα χορή*) debet qui reipublicae praeest, ut quantum ratione provideri potest nulla libidinum plebis ratione habita in longitudinem consulat. Nam

*χρόνος διέρπων πάντ' ἀληθεύειν φιλεῖ.*

(Eur. fragm. 444. ed Nauck.): res ipsa loquetur pariter ei qui vituperaverit antea bonum illud consilium et qui collaudarit summique fecerit (proprie: utrique bona consilii consecutio pariter obtinget.“). Quae si recte disputata sunt, una tantum littera mutanda est: scribes *ψέγοντι* pro *λέγοντι*, qua lectionum perturbatione, prae-



cipae in Euripidis fragmentis nihil frequentius invenitur: vide etiam Porsonum ad Phoen. 206.


Media autem verbi *τιμᾶν* forma quum nonnumquam apud Homerum legatur, ne in Euripide quidem offensionis quicquam praebebit praesertim quum opposito verbo *ψέγειν* sensus ejus obscurus esse nullo modo possit.



## SCRIPTORIS VITA.




**N**atus sum Fridericus Augustus Ernestus Voigt a. d. X. Cal. Jul. a. h. s. XLIII. Magdeburgi, patre Theophilo Augusto, cive Magdeburgensi, matre Lisetta e gente Fischeriana. Patre mihi praemutura perpetuoque lugenda morte erepto mater dilectissima ut per longum tempus incolumis mihi servetur, oro atque precor. Fidei addictus sum evangelicae. Primae litteraturae rudimentis instructus decimo aetatis anno gymnasium cathedrale Magdeburgense petii quod tunc temporis directore Friderico Wiggerto quem summe veneror, florebat. Quod postquam per octo annos frequentavi, usus disciplina et doctrina optimorum magistrorum quos pia grataque memoria omnes prosequor: mense Aprili anni LXI. universitatem litterariam Halensem cum Vitebergensi consociatam adii, cuius civibus per Rect. Magn., Ill. Goeschen. adscriptus sum. Deinde imprimis linguisticis et scholis interfui et studiis deditus fui: neque tamen philologicae neglexi. Gratias ago quam maximas praeceptoribus, Vir. Ill. Pott, Leo, Schade, Bergk, Schaller, Ulrici, Haym. Inde post tria semestria Berolinum me contuli, ubi scholis Vir. Ill. Boekh, Haupt, Trendelenburg, Muellenhoff, Friederichs operam dedi. Tum tria iterum semestria illic versatus, ut studiis meis finem imponerem, in almam Gryphiam veni, ubi per hoc semestre tempus ex auditoribus diligentissimis G. F. Schoemanni et H. Useneri fuisse mihi videor, Hoeferi et Georgii prolusiones frequentavi. Omnibus autem his viris optime de me meritis gratias ago semperque quantum iis debeam, memori animo tenebo.



## THESES.



1. *In arte critica factitanda praestat cum ratione errare quam sine ratione verum invenire.*
  2. *Ars critica adeo coniuncta est cum interpretatione ut ab hac illa segregari et seorsim tractari nequeat.*
  3. *Sophocles in fabulis suis rerum exitus non ad caeci fati vim refert.*
  4. *Euripides Troades lyrica magis est et rhetorica quam dramatica fabula.*
  5. *Tacitus in Germania versatus esse videtur.*
  6. *In docenda grammatica graeca, imprimis in formarum doctrina fructus grammaticae comparativae in usum vertendi sunt.*
  7. *Digamma Aeolicum in vocibus pervulgatis iam Homeri temporibus vel evanuisse vel Britannorum litterae v similiter pronuntiatum esse contendo.*
- 


8

*[Faint, illegible text, likely bleed-through from the reverse side of the page]*

OCT. 20, 1905

✓





LIBRARY OF CONGRESS



0 003 049 581 0

